



Broj: 04-GV-04-1478/21  
Sarajevo, 17.11.2021. godine

*ZAPISNIK O RADU  
ŠESTE SJEDNICE ODBORA ZA LOKALNI BIZNIS I TURIZAM  
održane 17.11.2021. godine*

Prisutni:

1. Faris Šehović, predsjedavajući
2. Senka Tahmaz, zamjenica predsjedavajućeg
3. Irmin Pita, član,
4. Almir Softić, član
5. Amina Šuman-Brkić, članica
6. Nermin Džino, član
7. Jasmin Skorupan, član

Sjednici iz Gradske službe za Gradsko vijeće prisustvuje:

- Mirjana Đanović-Stanić, rukovodilac stručnih službi Gradskog vijeća Grada Sarajeva

Sjednica započela s radom u 12.10 sati.

Predsjedavajući Odbora je otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Pete sjednice Odbora za lokalni biznis i turizam Gradskog vijeća Grada Sarajeva održane 12.10.2021. godine.

Na prijedlog predsjedavajućeg Odbora, jednoglasno je usvojen sljedeći **dnevni red**:

1. Javna rasprava o Nacrtu Programa rada Gradskog vijeća Grada Sarajeva za 2022. godinu
2. Tekuća pitanja

### *TAČKA 1.*

*Javna rasprava o Nacrtu Programa rada Gradskog vijeća Grada Sarajeva za 2022. godinu*

Uvodno izlaganje dala je predstavnik Predlagača.

Nakon uvodnog izlaganja i rasprave, na prijedlog Predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam konstatuje da su prijedlozi Odbora uvršteni u Nacrt Programa rada Gradskog vijeća Grada Sarajeva za 2022. godinu, te nema novih prijedloga, primjedbi i sugestija.



## TAČKA 2.

### *Tekuća pitanja*

- I.** Iz diskusije i prijedloga članova Odbora proizašli su određeni prijedlozi, te je Odbor jednoglasno usvojio sljedeće **inicijative**:
1. Odbor za lokalni biznis i turizam upućuje inicijativu Gradonačelnici Grada Sarajeva da osmisli Program kojim će se u urbano tkivo grada uvesti maskote ZOI 84 odnosno EYOF-a i druga obilježja koja podsjećaju na to da je Sarajevo olimpijski grad.
  2. Odbor za lokalni biznis i turizam upućuje inicijativu Gradonačelnici Grada Sarajeva da Grad Sarajevo inicira i ponudi da bude domaćin na jednom od godišnjih skupova najvišeg tijela Unije olimpijskih gradova.
  3. Odbor za lokalni biznis i turizam upućuje inicijativu Gradonačelnici Grada Sarajeva da traži od nadležnih općinskih organa da svojim propisima racionaliziraju parafiskalne namete posebno za male privrednike i obrte.
  4. Odbor za lokalni biznis i turizam upućuje inicijativu Ministarstvu saobraćaja Kantona Sarajevo da izradi plan turističkih saobraćajnih ruta u gradu, odnosno Kantonu Sarajevo, kako bi turisti bili adekvatno informirani o najjednostavnijim pravcima kretanja odnosno prostora za zaustavljanje i parkiranje u blizini glavnih turističkih destinacija. Traži se od Gradskog vijeća da podrži ovu inicijativu kako bi ona postala inicijativom Gradskog vijeća, te da zaduži Gradonačelnicu da inicijativu uputi nadležnom ministarstvu na dalje postupanje.  
**Obrazloženje:** Trenutno u centralnom gradskom području ne postoji odgovarajuće mjesto za zaustavljanje odnosno parkiranje turističkih autobusa kao ni hodogram kretanja turista a vezano za bitne turističke lokalitete. Kako nema odgovarajućeg mjesta, turistički autobusi se često zaustavljaju na mjestima koja za to nisu planirana čime ugoržavaju odvijanje saobraćaja i sigurnost i svoju i drugih učesnika u saobraćaju a time i uzrokuju česta upozorenja odnosno kažnjavanja saobraćajne policije, što je dodatna neugodnost svima.
  5. Odbor za lokalni biznis i turizam upućuje inicijativu Gradskom vijeću da zaduži Gradonačelnicu da svojim autoritetom pred nadležnim organima podcrta problem rada nelicenciranih vodiča na području grada Sarajeva i urgira kod nadležnih inspekcija da poduzmu odgovarajuće mjere i aktivnosti za suzbijanje ilegalnog rada pojedinaca sa turistima a koji rade poslove koje bi trebali raditi licencirani turistički vodiči.
- II.** Na temelju dogovora sa prošle sjednice Odbora, na kojoj je Faris Šehović podnio ostavku na dužnost predsjedavajućeg ovog radnog tijela, iz diskusije je proizašao prijedlog, te je poslije izjašnjavanja Odbor konstatirao da je za predsjedavajućeg ovog radnog tijela jednoglasno izabran član Odbora Nermin Džino.

*PREDSJEDAVALJUĆI ODBORA*

*Faris Šehović, s.r.*

Predsjedavajući Odbora je u 12.43 sati prekinuo rad Šeste sjednice Odbora za lokalni biznis i turizam Gradskog vijeća Grada Sarajeva.